



Inatsisartuni ilaasortaq Jørgen-Ole Nyboe Nielsen
Demokraatit

Maani/

KNR-imi aallakaatitanik allagartalersuisarneq pillugu § 37 nr. 121 naapertorlugu apeqqummut akissut

21. maj 2012
Sagsnr. 2008-006061
Dok. Nr. 912674

Apeqqutinut qujallunga ilisimatitsissutigisinnaavara, apeqqutit KNR-imut tusarniutigalugit nassiunneqarsimmamata, taanna aallakaatittakkanut akisussaasuummat. Taamaattumik KNR-ip akissutai akissummi matumani tunngavigineqarput:

Postboks 260
3900 Nuuk
Tlf. (+299) 34 50 00
Fax (+299) 34 66 66
E-mail: ikinn@nanoq.gl
www.nanoq.gl

- 1. Naalakkersuisut siunissami KNR-mik public serviceqarneq pillugu isumaqatigiissuteqartanut atatillugu danskisuumiit/tuluttuumiit kalaallisuunngortitsisarnissap imaluunniit allagartalersuisalernissap ilanngunneqartalernissaa siunertaraat, taamaaliornikkut ullumimut naleqqiullugu KNR-ip TV-mi aallakaatitassiat eqqarsaatigalugit kalaallisuinnaq paasisartunut innuttaasunut annertunerusumik kiffartuussinissalernissaa anguniarlugu?*

Public serviceqarneq pillugu isumaqatigiissut maanna atuuttoq, KNR-ip Namminersorlutillu Oqartussat isumaqatigiissutigisimasaat 2009-miit 2012-imut atuuttussaavoq, isumaqatigiissullu nutaaq ukioq manna isumaqatiginninniutigineqartussaavoq. Kisianni KNR amerlanerusunik aningaasaliiffigineqartariaqarpoq, imaluunniit KNR-ip ullumikkut suliarisartagaasa ilaat annikillisinneqartariaqarput. TV-kkut aallakaatitat allagartalersornerat akisoorujussuavoq, suliassaq tassaniittoq piffissartornartorujussuummat. Ilisimaneqareersutut kalaallit oqaasii aamma danskit/tuluit oqaasii assigiinngitsorujussuupput. Oqaaseqatigiit nutserneqartussaapput/allaqqinneqartussaapput eqikkartinneqarlutillu, taamaasilluni oqaasertalersukkat atuarneqartullu aallakaatitamut tulluussarneqassammata. Taamaasioreeraanni aallakaatitaq ataatigut allagartalersorneqassaaq imaluunniit oqaluttulersorneqassaaq tamatumalu kingorna oqaluttoq ilanngunneqarluni.

- 2. Tamatumunnga atatillugu Naalakkersuisut eqqarsaatigisinnaanerpaat TV-kkut aallakaatitassiat soriit kalaallisuunngortinneqartassanersut imaluunniit allagartalersorneqatalissanersut allattussallugit?*

Namminersorlutik Oqartussat public serviceqarneq pillugu isumaqatigiissutissami nutaami KNR-imut tunngaviumik piumasaqarsinnaapput, kisianni Namminersorlutik Oqartussat KNR-ip ulluinnarni ingerlatsineranut ilannguteqqusaanngilaq.

Inussiarnersumik inuulluaqqusillunga

Mimi Karlsen